

vers la maison, de maniere que voulume passer outre devant les Ours. Ils vindrent tout droit vers nous, & nous ne voulumes faire place aux Ours, ains criames bien haut, pensans qu'ils se iroyent, mais ils tenoyent leurs pas, passans par devant nous, Alors nous & ceux qui ouvroyent a la maison criames fort haut, Les Ours oyans ce bruit, prindrent la fuite, ce qu'a nous ne despleust pas.

Le 30. iour, estoit le vent a l'Est, & Est sud est: & avoit fort neigé toute la nuit, & cötina encor tout le iour, tellement que les nostres ne pouvoient amener, ne aller querir du bois; si haute estoit la neige. Nous fismes grand feu pres de la maison, pout degeler la terre, & la mettre ferme a l'entour de la maison; a fin que elle seroit autant mieux serree: mais cestoit peine perdue; car la terre estoit si tres dure, & si profond englee, qu'elle ne pouvoit estre degelée: aussi nous eust il cousté trop bois: de maniere qu'auons delisté de cest oeuvre.

Le premier d'Octobre le vent du Nord est estoit bien rude, & apres midi le vent du Nord: & fut temps si de vent: avec tres grande neige: de maniere que fort difficilement on pouvoit aller contre le vent: voire que malaysément on pouvoit respirer, a cause de la neige, qui vint si fort a la face qu'on n'eusse pas kea veoir a la longueur de 2. ou 3. navires.

Le 2. d'Octobre devant midi, apparut le Soleil: apres midi estoit le temps autres fois obscur, avec neige, mais calme, & le vent Nord; depuis aussi Sud: & nous dressames la maison, y mettant dessus en lieu d'un May, vne piece de neige englee.

Le 3. d'Octobre devant midi fut le temps calme, & le Soleil luyfant; mais si tres froid, que malaysément fut a supporter: Apres midi souffla rudement le vent d'Ouest, avec telle froidure, que si elle eusse perseveré, il nous eust fallu laisser nostre ouvrage.

Ic

*Pourtrait comment nous fumes contrainctz de bastir la maison pour estre gardes contre la froidure, & les bestes sauvages: a quoy faire Dieu nous donna du bois qui estoit par la mer flosse vers Nova Sembla: lequel continuellement auons par traine-ans amené au lieu ou la maison seroit basti bien deux lieues d'aller & venir: Et ce deux fois le iour avec un tres grand travail, durant l'espace de 15 iours: mais la necessité nous fit perseverer en l'ouvrage. Car si nous eussions commencé a bastir vne semaine ou deux plus tard, jamais l'eussions achevé.*

